

შეზღუდული პასუხისმგებლობის საზოგადოება

ნ ა პ ი რ დ ა ტ ს ვ ა

LTD "NAPIRDATSV A"

რეგ. №204527146 მის: ქ.თბილისი, ყიფშიძის ქ. # 4. ტელ. 599 491 600
reg.N204527146Georgia, Tbilisi kiphshidze str.N4 tel. 599 49 16 00; E-mail napirdatsva@gmail.com

28.09.2020 წ.

საქართველოს საავტომობილო გზების დეპარტამენტის უფროსის

მოადგილეს ბატონ ლევან კუპატაშვილს

ბატონო ლევან,

წარმოგიდგენთ "ტყიბულის მუნიციპალიტეტი, ქ.ტყიბული, მდ.ტყიბულას ნაპირდაცვითი სამუშაოების პროექტის" სკრინინგის ანგარიშსზე საქართველოს გარემოს დაცვისა და სოფლის მეურნეობის სამინისტროს შენიშვნებზე პასუხებს და სკრინინგის კორექტირებულ ვარიანტს.

I-ლი შენიშვნა მიღებულია. პროექტი არ ითვალისწინებს ჰიდროტექნიკური ნაგებობის (გაბიონის კედელი, ნაყარი ბერმა) მშენებლობას. I-ელ და მე-4 გვერდებზე შეცდომა გამოსწორებულია, ყველგან წერია კალაპოტის გაწმენდა.

მე-II შენიშვნა. წყალდიდობის და წყალმოვარდნების დროს ხდება მდინარის კალაპოტიდან გადასვლა და ქალაქის მიმდებარე ტერიტორიის დატბორვა. პროექტით გათვალისწინებულია მდ. ტყიბულას კალაპოტის გაწმენდა 1190 კმ სიგრძის მონაკვეთზე. აღნიშნული ფონური მდგომარეობის გათვალისწინებით დაგეგმილი სამშენებლო სამუშაოები, რომელიც დროის მოკლე მონაკვეთში გაგრძელდება, მნიშვნელოვან უარყოფით ზემოქმედებას ვერ მოახდენს ლანდშაფტურ მდგომარეობაზე.

ფონური მდგომარეობით, პრაქტიკულად არ არსებობს ზემოქმედება ნიადაგოვან და მცენარეულ საფარზე, ასევე, არ არის ცხოველთა სამყაროზე კუმულაციური ზემოქმედების რისკები.

ფონური მდგომარეობის სრულყოფილად შესაფასებლად, წარმოდგენილია გრაფიკული მასალა ორთოფოტო რუკის, საპროექტო მონაკვეთის გრძივი და ცხრა ერთეული განივი პროფილის სახით. ჩვენი შეფასებით, დაგეგმილ პროექტს არა აქვს არავითარი უარყოფითი კუმულაციური ზემოქმედება იმ საქმიანობებზე, რაც შეიძლება იყოს დაკავშირებული მდ. ტყიბულას საპროექტო მონაკვეთთან.

მე-III შენიშვნა მიღებულია. ქ.ტყიბულაში, მდ.ტყიბულას ორივე ნაპირზე მიჯრით არის განაშენიანებული საცხოვრებელი, საყოფაცხოვრებო და ადმინისტრაციული შენობა-ნაგებობები. მათი დაცემა მდინარის ნაპირს 15-20 მ არ აღემატება, არის 10 მეტრიანი დაცილება. მათი უსაფრთხოება დამოკიდებულია მდინარის კალაპოტის გამტარუნარიანობაზე, რომლის შესაძლებლობების საანგარიშო დონემდე გაზრდას ემსახურება შემუშავებული პროექტი.



მე-IV შენიშვნა მიღებულია. მდ.ტყიბულას კალაპოტის გაწმენდითი სამუშაოების გახორციელების პერიოდში მდინარის იხტიოფაუნაზე მოხდება გარკვეული უარყოფითი ზემოქმედება, რაც დაკავშირებული იქნება მდინარის ცალკეულ უბნებზე ტექნიკის (ექსკავატორი) წყალში იძულებით (მშრალი კალაპოტის არ არსებობის გამო) შესვლასთან. ძირითადად, მდინარის ცოცხალი კვეთის სიგანე (6-10 მ-ია, მშრალი კალაპოტის 10-12 მ) ტექნიკურად იძლევა საშუალებას ექსკავატორის ციცხვით, წყალში შეუსვლელად, მოხდეს ჭარბი ნატანის ექსკავაცია.

საქმიანობა წარიმართება მდინარის წყალმცირობის პერიოდში. სამუშაოები არ გამოიწვევს წყლის მობინადრეების, მათ შორის იხტიოფაუნის შემფოთებას.

რამდენადაც სამშენებლო სამუშაოები ჩატარდება წყალმცირობის პერიოდში, შესაძლებელია ტექნიკის წყალში დგომის გარეშე ექსპლუატაცია. ამდენად, ხანგრძლივი პერიოდით რაიმე სახის არსებითი ზეგავლენა წყლის ბიომრავალფეროვნებაზე არ არის მოსალოდნელი.

პროექტის დასრულების შემოდგომ, იხტიოფაუნაზე უარყოფითი ზემოქმედება აღარ იარსებებს. ტექნოგენური (გამონამუშევარი ფუჭი ქანები) გრუნტის კალაპოტიდან მოცილების შემდეგ, იხტიოფაუნას და წყლის სხვა ბინადრებს ეკოლოგიურად ბევრად უკეთეს გარემოში ექნებათ არსებობის შესაძლებლობა.

მე V შენიშვნა. პროექტი არ ითვალისწინებს მდინარის პირას ჰიდროტექნიკური ნაპირსაგრი ნაგებობის მშენებლობას. პროექტი იფარგლება მხოლოდ მდინარის კალაპოტის ჭარბი აკუმულაციური ნატანისგან გაწმენდით. ამ სახის სამუშაოების შესრულებას არა სჭირდება ისეთი ჰიდროლოგიურ-ჰიდრაულიკური მონაცემები, რაც ჰიდროტექნიკური ნაგებობების დაპროექტება/აგების შემთხვევაში გამოიყენება.

სკრინინგის ანგარიშში (6-7 გვ.) წარმოდგენილია მდ. ტყიბულას წყლის საშუალო მრავალწლიური მაქსიმალური, 100 წლიანი განმეორებადობის (1%-იანი), 2, 5 და 10 %-იანი უზრუნველყოფის ხარჯები საპროექტო უბანზე. გარდა ამისა, თვალსაჩინოებისთვის წარმოდგენილია მდინარის მყარი ნატანის საშუალო წლიური ჩამონადენიც.

ყველა სამუშაო ოპერაცია დაკავშირებულია ჭარბი მდინარეული ნატანის (კენჭნარ-ხვინჯა- ქვიშნარი და ტექნოგენური სამთო ნარჩენების გრუნტი) კალაპოტიდან ამოღებასთან და კალაპოტისთვის საანგარიშო-საპროექტო განივი პროფილის გამომუშავებასთან.

მე-6 შენიშვნა მიღებულია. ლაფსუსი აღმოფხვრილია, მე-8 გვერდზე შრიფტი ერთნაირია.

პატივისცემით,

ივანე დგებუაძე
დირექტორი